

南海普陀山志

南海普陀山志

佛經流通處印

重修南海普陀山志序

普陀正東越大海中梵語補怛洛迦華言小白華釋
言海岸孤絕處蓋震旦中國一大道場也周遭四十
里或曰百里自梁貞明中始立佛寺卽不肯去古院
宋元以來代有創建迨我

聖祖仁皇帝

世宗憲皇帝賜額勒碑發帑修建

天章容藻不煥祇林洵爲海外名山第一香剎山中僧寮不
下七十餘所緇流及外方掛單約計一千餘衆田產
無幾齋糧不給余宰是邑心竊憫之而力未能逮會

有佃民余姓等與山僧互爭新漲沙塗余申詳大憲
所有朱家尖竹頭浦順母塗等處塗場五千三百餘
畝可築塘成田者二千餘畝應請推廣

皇仁歸僧報壘并會同鎮海郭明府親詣塗場勘丈始得

徧歷寶山佛前頂禮有前寺承恩堂鶴崑上人者戒
律精嚴功行苦卓恒以纂修山志爲己任怡泰遠亭
表弟主舟山景行書院講席囑余轉丐代爲增修余
按是志前後兩寺共有二本康熙三十七年前後兩
寺同請裴璉修輯稿成後寺旋即授梓前寺又延朱
謹陳璿二公增削至四十四年始梓遂與後寺所刊

小同大異乾隆四年後寺又請許琰重修鐫板行世而前寺所刊斯志迄今又逾百年其間沿革廢興雖枝葉不可稍緩返棹後山僧將入志各條函寄來署囑達亭表弟取舊志詳加考訂汰其有餘補其未備詞不涉于支離例必歸諸典要閱一載纂輯甫畢分爲二十日就簡刪繁瞭如指掌書成索序于余余曰九華我眉五臺與普陀同爲諸佛說法道場然三者皆在內地惟普陀遠隔重洋迥殊塵境而四方梯山航海兩香膜拜者較他處尤盛此皆

列聖崇信禪宗神光普照而釋子之徒咸得優游蘭若守缺

抱殘龜輯山乘以垂久遠披是志而海山之形勢洞
壑之幽奇殿宇之輝煌示現之靈異胥在乎是其仰
佛力之慈悲益微

聖恩之汪濊夫講耕鑿以全慧命哀冊籍以闡淨因二者
不可偏廢余旣樂是志之成而并願閭山僧衆持戒
安禪羣體

列聖加惠雙林神道設教之至意此余之厚望焉是爲序時
道光十二年壬辰三月望日

欽加通判銜知浙江寧波府定海縣事加三級金陵王鼎
題

重修南海普陀山志序

普門距定海縣治二百餘里卽華嚴經所稱補怛洛迦山觀世音菩薩說法道場也五里未至嵐翠撲眉千步尙懸飛濤濺踝凌虛之閣忽峙虹邊殊狀之峯或標島外余流覽圖記企慕山川馳心有年而游諾未果會王青市表兄來宰是邑夬寅歲余主講于斯近接祇林緬懷卓錫載訪沙界豈憚拏舟庶幾一溯迦蘭之施罔整履須達之布地顧累年仍事仍阻幽探迨次年暮春競渡連洋克攀蘿徑磨法雲于六合地入三摩揚慧日于九天門開入正洵海瀝之奇觀

招提之勝槩也于是古龕對佛精舍翻經締交季潭
之上人契心曹溪之弟子有鴻崑開士者身列祗洹
志殷繙緝守往籍於炙朽蟬斷撫羣言于錦粲珠零
乃以山志遺文囑爲讎定余撫是編而竊慕焉夫紺
園碧殿沈佗期常賦少林鹿苑龍宮駱賓王亦誇廣
果希蹤方外不越中原至若維摩之室遙隔鵬溟彌
勒之龕孤撐鰲極此可頌者一也自象教西來妙法
東注普賢旣傳願海如來亦有化城然婆娑緣深觀
音爲最乘如意輪大方便力濟苦難于五濁拯煩惱
于三塗白毫光裏現纓絡之全身金色花旁示栴檀

之瑞相莊嚴具足黼黻周施此可頌者又其一也
釋所居非無毀院諸佛攸館不乏市田至若層檻
桶

宸章煥乎日星免賦蠲租

寵命沛乎雨露鱗鱗碧瓦崇臺則三百朱欄策策烏犍膏壤
則十千青畝此可頌者又其一也生融之學獅座頻
參觀肇之名雁堂共仰雖結茆伊始真歇法乳無傳
開葉相沿大智禪裔莫考然五蘊俱空皆悟無生之
理諸漏已盡恒持不染之心此可頌者又其一也煙
波無際時泛仙槎雲壑相鮮屢停客屐轉奔雷于谷

底龍氣猶腥盼朝旭于崖巔羊押乍熟飛泉瀝滴宜
結調水之符石竇玲瓏忽動買山之計相與參玉笋
禪禮米汁佛此可頌者又其一也游懷旣愜逸藻獨
摘賄吟而鉢響頻催紀實而筆花爭舞文疑宿構同
申般若之宗詩具別裁悉寓毘尼之教正不特公權
羨其書額元章欣其隸碑此可頌者又其一也在昉
迹異本自淹通王家拾遺無取繁縟良以靈花忍草
咸証道心蠕動蠟飛其含佛性納須彌于葦塵鸚鵡
呼王悟世界于優曇象猴爲友嗅來薝蔔卽是妙香
聽到頻迦無非瑞雀此可頌者又其一也夫盛熙明

備考於前侯繼高纂述於後處優出劣哀輯不乏通
儒照軫充箱採獲并多佳手然條流粗立典要未明
欲煮鬯以燒薰必簸糠而揚秕附名欲傳不朽定文
須恃相知又况鳳毛龍甲孰與收藏烏剝蟲穿每虞
散佚洵貫串之匪易翳譏正之誰艱乃蒙馴虎名宗
食鳩上品丐余增訂索我弁言幸舊本之猶存遂新
編之競製合是非于一口審得失于寸心勿錄者豈
是遺珠所登者要皆完璧督繩削墨共辨毫釐縷晰
條分聿昭經緯遂使貝文快睹手眼化以千千秘典
齊宣生靈度乎萬萬武谿龍澗恍披廬岳之圖金闕

瑤臺疑討瀛洲之記時道光十二年壬辰三月三日
原任兵部武庫司候補郎中秦耀曾序

重修南海普陀山志序

南海普陀山觀音大士說法道場也助於梁貞明
宋元而後代有修建我

朝尊崇倍至巍煥增新砌琉璃之地道五色蓮花裴瑤瑤
之天宮七重竹樹峙名山于海外成勝院乎寰中此
皆

列聖神光普照崇信禪宗

題額勒碑

宸章赫濯蠲租發帑

龍錫輝煌緇流得以潛修黎元因而覺悟瞻茲梵宇共仰

慈航俾清淨寂寞之濱發恭敬慈祥之念神道設教
有微權焉蓋

聖朝以胞與爲懷佛力以救渡爲量大千世界微普濟之
慈悲億兆生靈荷

仁恩之廣大

造福於專錫福


壽世卽以壽人幸際恬熙得安康阜有由然矣今者鴻臚

上人重修寶陀山誌再煥大藏經函敬加考訂之詳
快視闡揚之偈業追象貝功繼馬鳴開覺路以金繩
渡迷津于寶筏將見慈雲徧覆共樂世界之清涼行

看甘露均沾普受佛家之富貴謹誌不朽用附卮言
至於結香火之因緣樂巾瓶之供養以及形勢之勝
僧徒之繁皆畧而不陳懼贅也是爲序

敕封文林郎翰林院編修

誥授資政大夫兵部侍郎兼都察院右副都御史巡撫江
蘇等處兼署兩江總督蘇州織造潸墅關監陳桂生
撰



淨域檀那

鴻崑禪師寶陀首座工
詩書好施捨錢山志褒
藏經購良田育緇衆以
其餘力傾助嬰堂種果
因心隨緣無礙余甚嘉
焉爲顏其額道光甲
午暮春之初蓬萊山牧
王鼎勳